

han-hemen

Winona Ryder aktorea aske utzi dute, hiru urtez, baldintzapean

Duela hilabete batzuk, Winona Ryder aktore estatu-batuarrak 6.000 eurotan baloratutako jantziak lapurtu zituen Beverly Hills-ko denda batean. Elden S. Goz epaileak epaia eman du azkenean, eta Ryderrek 3.700 euroko isuna ordaindu, eta 480 ordutako komunitate zerbitzuak bete beharko ditu. Gainera, hiru urtez baldintzapean aske geldituko da aktorea. Epaileak esan du Ryder berriro lapurtzen harapatzen baldin badute, kartzelara joan beharko duela.

Gangrenaz hiltzekotan zen gizon batek munduari buelta eman dio bizikletan, 3.333 egunetan

Yumber Lezhava *bizikletagizona*-ri, duela 17 urte, medikuek esan zioten haren gangrenak ez zuela sendabiderik. Baina georgiarrek bere gorputza zaindu, eta gimnastika egiten hasi zen gelditu gabe. Urtebetean, 4.800.000 flexio egin, eta Guinness liburuan sartu zen. 1993an, berriz, bere bizikleta hartu, eta munduari bira emateko itxaropenarekin hasi zuen bidaia. 3.333 egunetako bidaian, 600.000 kilometro egin ditu gizonak, horietatik 264.000 txirrinduaren ganean. Nami-bian, malariak jota, 22 egun pasatu zituen ospitale batean; Suedian, oin bat jelatu zitzaion; Gobiko basamortuan, zero azpiko 23 graduko tenperaturetan ibili zen... baina guztietatik onik atera da.



Chenoa eta Su Ta Gar, areto berean

Gasteizen lortu ez zutena Lesakan lortu dute: Chenoa kantari espainiarrak eta Su Ta Gar taldeak toki berean emanen dute kontzertu bana, Lesakako Zambra aretoan. Egun ezberdinetan, ordea. Chenoak hilaren 14an, eta Su Ta Garrek, 20an. Ikusle mota eta kopuru bera izanen ote dute?



Harribitxiz eta urrezko erlojuz beteriko Gabonetako zuhaitza, Tokion

Yves Piaget enpresaburua Tokion duen dendako zuhaitzaren aldamenean azaltzen da irudian. Zuhaitzean, diamanteak, harribitxiak eta urrezko erlojuak sartu dituzte. Guztien prezioa: 10.8 miloi dolar.



Denis Sandona artistaren izotzezko eskulturak, Parisen

Parisko Saint-Germain-des-Pres auzoa eskiaren luxuzko gune bihurtu zen atzo. Mota guztietako ekitaldiak izan ziren, eta Denis Sandona artistak izotzezko zuhaitz bat egin zuen zerra mekanikoarekin.

Celia Cruzen osasunak hobera egin du, operazio baten ondotik

New Yorkeko ospital batean da Celia Cruz kantari kubatarra, nerbio sistemari eragiten zion garuneko eritasun batetik operatu eta gero. Operazioa luzea izan zen, baina beste logela batera pasatu dute kantaria, eta bere osasuna ona dela adierazi dute Canal47 katean. Cruzek 78 urte ditu, eta, duela hilabete, beste operazio bat egin zioten.

Gabriel Garcia Marquez, Habanako zinema eskolan

Ipuin bat nola idatzi gaiari buruzko ikastaroa ematera joan da Gabriel Garcia Marquez idazle kolonbiarra Habanako San Antonio de los Baños zinema eskolara. 90eko hamarkada hasieratik ez zuen Garcia Marquezek eskolarik ematen, eta gidoigintza ikasleek gustura jaso dituzte idazlearen irakaspenak. Marquez izan zen eskola horretako sortzailetako bat.

Vincent Van Goghen bi koadro lapurtu dituzte Amsterdamen

Amsterdamgo Van Gogh museotik bi koadro lapurtu zituzten atzo goizean: *Congregation leaving the Reformed church in Nuenen* eta *View of the Sea at Scheveningen*. Remco Gerretsen Herbehereetako Poliziaren bozeramaileak esan duenez, «lapurrak teilatutik sartu ziren museora». Van Goghen 200 koadro eta 500 marrazki daude museo berean.

hilberriak

ESKELAK

Gaueko 9ak arte hartzen dira



(0034) 943 300 222

publi@egunkaria.com



**Aitor
Zabaleta
Kortazar**

4. URTEURRENA

1998ko abenduaren 8an Madrilen erahila

**ZURE JENDEAK
EZ ZAITU INOIZ AHAZTUKO**